

Канон в неделю Святой Пасхи

Глас 1-й

Песнь 1

Ирмос: Воскресения день, просветимся, людие. Пасха, Господня Пасха: от смерти бо к жизни, и от земли к небеси, Христос Бог нас преведе, победную поющия.

Припев: Христос воскрес из мертвых.

Очистим чувства, и узрим неприступным светом Воскресения, Христа блистающая, и радуйтесь, рекуща, ясно да услышим, победную поюще.

Христос воскрес из мертвых.

Небеса убо достойно да веселятся, земля же да радуется, да празднует же мир, видимый же весь и невидимый, Христос бо воста, веселие вечное.

Богородичны:

(Поюмья со второго дня Пасхи и до отдания)

Слава: Умерщвления предел сломила еси, вечную жизнь рождающая Христа, из гроба возсиявшего днесь, Дево Всенепорочная, и мир просветившего.

И ныне: Воскресшего видевши Сына Твоего и Бога, радуйся со Апостолы, Богоблагодатная Чистая: и еже радуйся первее, яко всех радости вина, восприяла еси, Богомати Всенепорочная.

Песнь 3

Ирмос: Приидите пиво пием новое, не от камене неплодна чудодеемое, но нетления источник, из гроба оодживша Христа, в Немже утверждаемся.

Христос воскрес из мертвых.

Ныне вся исполнишася света, небо же и земля и преисподняя: да празднует убо вся тварь востание Христово, в Немже утверждается.

Христос воскрес из мертвых.

Вчера спогребохся Тебе, Христе, совостаю днесь воскресшу Тебе, сраспинахся Тебе вчера, Сам мя спрослави, Спасе, во Царствии Твоем.

Слава: На нетленную жизнь приходяду днесь благодатию рождаемого из Тебе, Чистая, и всем концем свет облиставшего.

И ныне: Бога, Егоже родила еси плотию, из мертвых, якоже рече, воста в видевши, Чистая, ликуй, и Сего яко Бога, Пречистая, возвеличай.

Ипакои глас 4-й

Предварившыя утро яже о Марии, и обретшыя камень отвален от гроба, слышаху от Ангела: во свете присносущем Сущего, с мертвыми что ищите яко человека? Видите гробныя пелены, тецйте и миру проповедите, яко воста Господь, умертвивый смерть, яко есть Сын Бога, спасающего род человеческий.

Песнь 4

Ирмос: На Божественней стражи, Богоглаголивый Аввакум да станет с нами, и покажет светоносна Ангела, ясно глаголюща: днесь спасение миру, яко воскрес Христос, яко всесilen.

Христос воскрес из мертвых.

Мужеский убо пол, яко разверзый девственную утробу, явися Христос, яко человек же, Агнец наречеса, непорочен же, яко неукусен скверны, наша Пасха, и яко Бог истинен, совершен речеса.

Христос воскрес из мертвых.

Яко единоклетный агнец, благословенный нам венец Христос, волею за всех заклан бысть, Пасха очистительная, и паки из гроба красное, правды нам возсия Солнце.

Христос воскрес из мертвых.

Богоотец убо Давид пред санным ковчегом скакаше играя, людие же Божии святии, образов сбытие зряще, веселимся Божественно, яко воскрес Христос, яко всецелен.

Слава: Создавший Адама, Твоего праотца, Чистая, зиждется от Тебе, и смертное жилище разорит Своею смертию днесь, и озарит вся Божественными блистаниями Воскресения.

И ныне: Егоже родила еси Христа, прекрасно из мертвых возсиявша, Чистая, зрящи, добрая и непорочная в женах и красная, днесь во спасение всех, со Апостолами радующися Того прославляй.

Песнь 5

Ирмос: Утреннее утреннюю глубоко, и вместо мира песнь принесем Владыце, и Христа узрим правды Солнце, всем жизнь возсияющая.

Христос воскрес из мертвых.

Безмерное Твое благоутробие адовыми узами содержимии зряще, к свету идящу Христе, веселыми ногами, Пасху хваляще вечную.

Христос воскрес из мертвых.

Приступим, священнии, исходящу Христу из гроба яко жениху, и спразднуем любопытными чинми Пасху Божию спасительную.

Слава: Просвещается Божественными лучами и живонными Воскресения Сына Твоего, Богомати Пречистая, и радости исполняется благочестивых собрание.

И ныне: Не разверзла еси врата девства в воплощении, гроба не разрушил еси печатей, Царю создания: отнюдуже Воскресшаго Тя зрящи Мати радовашеся.

Песнь 6

Ирмос: Снизшел еси в преисподняя земли и сокрушил еси верей вечныя, содержащия связанныя, Христе, и тридневен яко от кита Иона, воскрес еси от гроба.

Христос воскрес из мертвых.

Сохранив цела знамения, Христе, воскрес еси от гроба, ключи Девы неведимый в рождестве Твоем, и отверз еси нам райския двери.

Спасе мой, живое же и нежертвенное зачатие, яко Бог Сам Себе волею привел Отцу, совоскресил еси всеродного Адама, воскрес от гроба.

Слава: Возведется древле держимое смертию и тлением, воплотившимся от Твоего пречистаго чрева, к нетленной и присносущней жизни, Богородице Дево.

И ныне: Сиде в преисподняя земли, в ложесна Твоя, Чистая, шедый и вселившийся, и воплотившийся паче ума, и воздвиже с Собою Адама, воскрес от гроба.

Кондак, глас 8-й

Аще и во гроб снишел еси, Безсмертне, но адову разрушил еси силу, и воскрес еси, яко победитель, Христе Боже, женам мироточницам вещавый: радуйтеся, и Твоим апостолам мир даруяй, падшим подай Воскресение.

Икос

Еже прѣжде со́лнца Со́лнце заше́дшее иногда́ во гроб, предвари́ша ко́ утро, и́щущия́ яко́ дне мирно́сицы де́вы, и дру́га ко дру́зей вопи́яху: о дру́гини, приидите, воня́ми пома́жем Те́ло живонóсное и погребéное, плоть воскресивша́го па́дшаго Ада́ма, леща́щую во грóбе. Идем, потщ́мся́ яко́же волсв́и, и поклон́мся, и принесéм ми́ра яко́ да́ры, не в пелена́х, но в плащани́це обв́итому, и пла́чим и возоп́им: о Влады́ко, востáни, па́дшим пода́й воскресéние.

Воскресéние Христóво видевше, поклон́мся Свято́му Го́споду Иису́су, Еди́ному Безгрéшному, Кресту́ Твоему́ поклоня́емся, Христé, и свято́е Воскресéние Твое́ поéм и сла́вим: Ты бо еси́ Бог наш, развè Тебé ино́го не зна́ем, Имя́ Твое́ имену́ем. Приидите́ вси вёрнии, поклон́мся свято́му Христóву Воскресéнию: се бо прииде́ Крестóм ра́дость все́му ми́ру. Всегда́ благословя́ще Го́спода, поéм Воскресéние Егó: распя́тие бо претерпéв, смёртию́ смерть разруши́. (Трижды).

Воскрéс Иису́с от грóба, яко́же проречé, даде́ нам живóт вéчный и вéлию ми́лость. (Трижды).

Песнь 7

Ирмос: Отроки от пéщи избáвивый, быв Человéк, стра́ждает яко́ смёртен, и стра́стию смёртное в нетлèния облачит́ благолèние, Еди́н благословéн отцéв Бог и препросла́влен.

Христóс воскрéсе из мёртвых.

Жéны с ми́ры богомúдрыя в след Тебé теча́ху: Егóже яко́ мёртва со слезáми иска́ху, поклон́шася ра́дующияся Живóму Бо́гу и Пáсху та́йную Тво́им, Христé, ученико́м благовест́ша.

Христóс воскрéсе из мёртвых.

Смёрти прáзднуем умерщвлèние, áдово разрушèние, ино́го жити́я вéчнаго нача́ло, и игра́юще поéм вино́внаго, еди́наго благословéннаго отцéв Бо́га и препросла́вленнаго.

Христóс воскрéсе из мёртвых.

Яко́ во́истинну свящèнная, и всепрáзднственная́ сия́ спаси́тельная но́щь, и светозáрная, светонóснаго дне, востáния сýщи провозвèстница: в не́йже безлётный Свет из грóба плóтски всем возсия́.

Слава: Умертв́ив Сын Твой́ смерть, Всенепорóчная, днесь, всем смёртным пребыва́ющий живóт во вéки веко́в дарова́, Еди́н благословéнный отцéв Бог и препросла́вленный.

И ныне: Всем ца́рствуяй создáнием, быв человек, всели́ся в Твою́, Богоблагодáтная, утробу, и распя́тие претерпéв и смерть, воскрéсе боголèпно, совозста́вив нас, яко́ Всеси́лен.

Песнь 8

Ирмос: Сей неречèнный и святы́й день, еди́н суббóт Царь и Господь, прáздников прáздник и торжествó есть торжеств, вóньже благослов́им Христа́ во вéки.

Христóс воскрéсе из мёртвых.

Приидите́ но́ваго виногра́да рожде́ния, Божéственного́ весéлия, в нарóчитом дни Воскресéния, Ца́рствия Христóва приобщи́мся, пою́ще Егó́ яко́ Бо́га во вéки.

Христóс воскрéсе из мёртвых.

Возведи́ óкрест óчи тво́и, Сиóне, и виждь: се бо приидóша к тебе́ яко́ богосвётлая свети́ла, от за́пада, и сéвера, и мóря, и восто́ка ча́да тво́я, в тебе́ благословя́щая Христа́ во вéки.

Припев: Пресвятая Троице, Боже наш, слава Тебе.

Отче Вседержителю, и Слове, и Душе, трем соединяемое во ипостасех естество, Пресущественно и Пребожественно, в Тя крестихомся и Тя благословим во вся веки.

Слава: Прииде Тобою в мир Господь, Дево Богородице, и чрево адово расторг, смертным нам воскресение дарова: темже благословим Его во веки.

И ныне: Всю низложив смерти державу, Сын Твой, Дево, Своим воскресением, яко Бог крепкий, совознес нас и обожил. Темже воспеваем Его во веки.

Песнь 9

Величит душа моя воскресшаго тридневно от гроба Христа Жизнодавца.

Ирмос: Светися, светися, новый Иерусалиме: слава бо Господня на тебе возсия. Ликуй ныне и веселися, Сионе, Ты же, Чистая, красуйся, Богородице, о востании Рождества Твоего.

Христос новая Пасха, Жертва живая, Агнец Божий, вземляй грехи мира.

О Божественного, о любезного, о сладчайшего Твоего гласа! С нами бо неложно обещался еси быти до скончания века, Христе. Егоже вернии, утверждение надежды имуще, радуемся.

Магалина Мария притече ко гробу, и Христа видевши, яко вертоградяра вопрошаше.

О Пасха велия, и священнейшая, Христе! О Мудросте, и Слове Божий, и Сило! Подавай нам истее Тебе причащатися, в невечернем дни Царствия Твоего.

Слава: Согласно, Дево, Тебе блажим вернии: радуйся, двере Господня, радуйся, граде одушевленный; радуйся, Еяже ради нам ныне возсия свет, из Тебе Рожденного из мертвых воскресения.

И ныне: Веселися и радуйся, Божественная двере Света: зашедый бо Иисус во гроб возсия, просияв солнца светлее и верныя вся озарив, Богородованная Владычице.

Задостойник

Ангел вопияше Благодатней: Чистая Дево, радуйся, и паки реку: радуйся! Твой Сын воскрес тридневно от гроба и мертвыя воздвигнувый, людие, веселитесь.

Светися, светися, новый Иерусалиме: слава бо Господня на тебе возсия, ликуй ныне и веселися, Сионе, Ты же, Чистая, красуйся, Богородице, о востании Рождества Твоего.